

Eilffschilling. So stehet es zcu dem Weitgaste, das er sich zcu der ersten schatzung beruffe, vnnnd wirt do by behaldenn.

Also sall es gehalden werden, vnnnd ist vonn alders gehalden. Sunder das gedinge mit dem dritten moss ist lange awss. Wenn es wert nur zwey jar mit den von Erfurt zcu stehen also beteidinet.

So hat bericht Er Seifrid Gosswin, vnnnd alde Herrn, die von den Dingen wissen.

Anno etc. lxxvij. am tage sanctj Franciscj. Amen. (4/10 h.)

61. Kozelitz jnn Lachen zcu fischen, anno lxxvij^o. Vnnsere Fischer sein besandt vnnnd gesaget, das dy Kozelitzer y werlde sein do by behaldenn, das sihe eyn den Lachen, dy dy Neisse bedeckt abenig dem Lesschwitzer were, frey zcu fischen haben: Desglichen dy von Windisch ossig. Vnnnd dy Windischossiger haben enen nicht zcu werenn.

Doch also, das sie am grase, grummet, keynen schaden thun sollen. Vnnnd uff die zeit sich enthaldenn. Vnnnd also, das dy kozelitzer dy Fische hir jnn dy stat zcuverkouffen vnnnd nirgenndt anders wo hyn tragen sollen, sie behilden sy dann zcu jrer schüssel vnnnd notdorfft. So ist en gesaget am Sontag vor Martinj: anno etc. lxxvij^o. Eo tempore Seifridus Goswyn procos. Johannes Frawenburg, Hans Sneider Camerarij. Amenn. 9./11. ○

1478.

62. Tischer vnd Moler. Dy Tischer vnd Moler seynn entschaidenn, so das dy Moler sollenn vnnnd mögen mit jrem gesinde, mit dem Hobel, touffeln vnnnd was dorzcu gehöret, erbetenn, Dess gleichen Rehmen zcu Glasefenstern, vonn den Tischern vngehindert.

Vnnnd do dy Maler touffeln adder Rehmen zcu den Tischern enen zcu machen verdingen werdenn, sollen enen dy Tischer ane alle eynrede erbetenn.

Gescheen am Mitwoch noch Trium regum, anno etc. lxxviii^o. (7/1 §)

Eo tempore Seifridus Gosswin procos. in presentia Mgri Johannis. Frawenburg eo tempore Senior Scabinus et notarius Ciuitatis. Ist ouch gezzeichnet Ins Statbuch, findet mans anno etc. lxxviii^o.

63. Vonn denn Cromern. Wy sich dy Bürger haldenn sollenn, Wy ouch dy Cromer, sein etzliche stücke verzeichnet vnd vorwilliget vom Rathe Ist den Cromern darobir eyn Zedl gegeben, vnnnd ist eyns Statbuch gezzeichnet Anno etc. lxxviii^o.

64. Vonn dem vordinten lohne der Tuchmacher. Es ist gemacht vnd vorwilliget uff ij. sek vnnnd ist gezzeichnet Ins statbuch by dy Wilkür. Anno etc. lxxviii^o.

Lib. III. et septem. Anno 1469 29. Nouembr. die § vorn Rathe erschienen Hanns Herman, Peter Herman, Niclas Cretzmer, Wentzel Wayman, Obermeister. Gebethen sy bey dem vordinten lohne zubehalten. Johan Bereith Cos. I. respond. Das wir auff euch so balde dringen wolden, das jr die ding von stundan verendern soldet ist vnser meinung nicht etc.